

摘藻堂四庫全書薈要

集部

欽定四庫全書薈要

集部

御製詩三集卷六十七

十八



詳校官原任編修臣徐立綱

欽定四庫全書薈要卷一萬三千四百九十六

集部

御製詩三集卷六十七

古今體一百四十五首

丁亥七

季夏視朝

視朝雖是具常儀不欲無端濶久時暑節雨霑深夜露

清晨雲散晃朝曦千官百辟欽惟亮

祖德

宗功鑒在茲無易由言泰平日揔宜益切敬勤思

素尚齋更衣小憩

輿轉西華曉氣清
池荷岸柳露光晶
每因路便更朝服
素尚誠無負雅名

自高梁橋泛舟長河遊樂善園

夏日宜園居視朝便言返
長河可進舟廿里亦弗遠
溪墅河之濱紆遊興聊遣晨
涼樹陰步地靜禽言轉叶真
松閣今人假山成古巘
緬想命名時先得吾心款
詎云希東平孰不應樂善

蘊真堂口號

一歲之中一再來
來惟消得片時纔
書堂設問真何是
幽以蘊餘靜以陪

含清齋

軒榭水之濱
綠窓碧練紋
松篁宜靜憩
書史足尊聞
有趣皆脫俗
無言亦覺欣
盈池荷特盛
坐可挹清芬

舟過萬壽寺

蘭若長河岸
往來舟必經
却因風帆去
利姑置月窓停

旂影飄時見鐘聲過後聽如如調御相真視以無形

過繡漪橋昆明湖泛舟即景

石橋卧波湖口鎖絲纜急牽舟正舵舟過橋洞湖水寬
漪縐輕風光淡沱迤西一帶多荷花冰夷繡出香雲霞
咫尺滄池足清賞何必遙遙憶若耶

熱

四序各行令夏日詎可無邇日炎特劇廣廈猶煩吾念
彼窮檐民力作揮汗珠趲伏種蕎麥更慮稗苗枯因之

為聲望雨雲興其雨乎

溪亭對雨

六月廿八日

傍晚西山始吐雲須臾急霽萬絲棼悠揚激楚聲千狀
恰是洞庭衆樂聞

薄纔望雨雨優霽中伏吉從上伏占

農家占法以上伏日有雨三伏發澤

必優雨過又須即晴向後方免霖潦茲日
屆中伏甘膏應時與初庚吉占信若左券
漫謂休徵太
如願吾惟慰與敬勤兼

老樹

老樹交枝成一榦是惟同本異非然無知植類猶如此
可注葩經棠棣篇

驟雨

六月晦日

族雲掩溢西山來雨聲未落先喧
厖偏幡急霽立電雲橫排豎礮
輞相催是時輕輿問

安迴蘭衢脩積蹄淦昏僕役跋涉
濕裳履瓦衣不漏謾致諏塞山
雨獵憶同此此其小試何妨哉
比至御園霏亦止溪堂坐則雲
脚開驅炎乍送爽風颯宜晴為
慶

三農佳

七月朔日作

素節臨孟朔今朝晴最宜

農家以七月晴多於秋禾有益又以朔日卜月中晴雨

榭虛金拂爽階影漸延曦風樹簫簫蟬響晨荷珠露披立

秋縱遲日

今歲遇閏立秋在月之十四日

秋意已如斯

池上居四詠

池

小小方塘澹澹溪曾無半畝綠玻瓈江湖印月此亦印

可注南華論物齊

魚

躍喜波浮潛喜淵錦鱗幾箇鏡中懸無憂竿線飽飫饌
朝市疑同大隱然

松

移種新松補舊松團團已作翠陰濃樹人可得能如此
體物無忤意自忬

石

依然詭石壘傾崎醉倚青牛道士傲比似蒼松具生意
有知曾不若無知

晴望樓

邇常霑渥雨更喜雨隨晴豈待高樓望真宜沃土耕繼
斯時若貺又可屢綏賡佇俟西成近越殷顓企情

抱樸草堂

草堂構溪上瀟落真覺宜豈惟綴景然茅茨繫我思望
古治未逮興言空爾為架亦有詩書几亦有琴棋繡彼

窮簷民圭竇安同斯

映清齋

弓樣遊廊月樣窓一時清趣果無雙
即聲即色契真淨猶覺多言者箇擬

養素書屋

書齋宜四時烟景一窓披有趣皆歸靜
無思不入奇元機真可契繪事底須施
棄暇芸編展素心養在茲

玉玲瓏館

綠水迴環中有居坐來悅可適幾餘松間颯颯風含爽
竹際泠泠月入虛縱目恰宜遇寥朗託懷又喜得清舒
優霑時雨逢秋霽為此欣予亦惕予

虛明室有會

生白其間具至靈太虛萬物各形形設如未解明之義
離卦猶須玩法經

方琮雲鴈泉聲

谷深林靜致生雲高下泉聲遠近分歲歲山莊秋月裏

同斯清韻每常聞

遠近泉聲避暑山莊
內三十六景之一

孟秋遊玉泉山

雖未立秋已孟秋
山園咫尺試清遊
樹陰中路風全爽
天際高峯雲已收
菽町去聲稻塍曦影曝
匏瓜架露光浮
輕輿五里旋言至
批答先勤封事酬

題創得齋

創得得多年
今年秋實創
以此會景物
原覺協名狀
秋澄天益寥
雲斂心因曠
嫩茵玉露濃
喬樹金風颺
獨喜

砌臨池幾柄芳荷放

近青閣

傑閣近山依平陵倚翠微朝嵐還夕靄碧邏更青圍疊
巘常臨牖層林與作幃色空不到處何用問禪機

飛雲峴

幾片流雲去若飛新秋景色愜清機便教趁爽輕輿進
千仞岡頭試振衣

乘涼登玉山

乘涼登玉山烟磴陟孱顏數息方言到今朝偶得閒最
高風益峭望遠目無慳指日秋巡路北峯一帶間

麗矚軒

高處山軒俯暢佳年來秋令快登皆別峯雲歛平臨牖
詭石柏生直到階萬頃欣看禾黍茂三時幸值雨暘諧
壁間題句新鄰舊歷歷堪憑祈歲懷

罨畫窓

近巘遙峯一覽中最欣鋪甸綠苗芄山莊指日臨數

上聲

典

避暑山莊霞標書室窓名之曰
卷畫自此凡遇勝處輒以名之畫興勤農意總同

涵漪齋

東陟帶日光西降背山影更覺晨爽佳遂造極幽境溪
堂仍倚山面挹烟水景荷香拂座清柳陰隨岸整雖曰
有波瀾映心惟至靜

倚晴樓

萬里霽光澄高樓即景登雲隨風薄散露借日濃凝綠
穗黃將染秋霄晴最應八牕延峭爽真不負吟憑

虛受堂

虛受何人不貴勤要惟其義切為君設云予聖無宏量
那得嘉言入耳聞

放舟至影湖樓得句

園牆命啟閘門扁順水放舟勢建瓴頃刻湖心樓便到
影來遠近列峯青

愛攬山光印水光片時消得坐匡床拈毫底識新秋景
風拂符簷著意涼

年來秋月例登樓素景於人雅相入聲投無那去聲炎蒸欣

脫體如何宋玉却生愁

澄澈平湖曠蕩空樓窓不斷芰荷風楞嚴最契青蓮法
萬景都參影現中

泛月作

新月未上弦已有素彩流晚景宜乘涼何不可泛舟斜
漢掛半魄頗覺濶於鉤光含寒意多體漾波心浮奚必
命管絃取適為清遊葦岸數聲蛩故知弗負秋

即事

封章各省來麥收率中稔其後雨暘時大田蔚茂甚南方乃澤國亦弗愁潦侵叶清口疏治後下河歲登廩虔祝復似茲九寓豐庶審然此豈易必盛滿况當懍慰弗抵憂多祈年惟懃懃

題董邦達石屋松風

雙松之下二老坐老即蒼松松即老喬乎佺乎不可知擬以夷齊猶覺小為語為默那可猜蓋以無言言至道

石逕詰屈入峯戶中有巖屋藏窈窕了識其間多秘書
安得窮年獨研討

題錢維城藤溪魚樂

湖上藤花花落湖輕儵噉弄恣遊娛一時別撰南華趣
更不因他較樂無

晚晴落照

邇幸若休徵雨可不雨可容雲細絲零傍晚魚鱗妥西
北露曦光晃射雲成火蟬聲樹杪喧波影湖心沲泛月

恰云宜愛景隨時我

泛月題平安月鏡居

竹報平安古所云居稱月鏡泛溶沍碧霄萬里秋雲淨
上下蟾光分不分

秋意

立秋尚遲日秋意已示端無風不送爽有雲亦欲閒樹
蟬晚更亮草蛩曉弗闌雅宜親研席却擬辭冰盤梧葉
落也未凝睇憑朱欄

題鄒一桂畫秋色即用其韻

莫怪八公髮盡斑
須臾解會變朱顏
牆頭秋色有如此

信報天邊雁欲還

是丹又名雁來紅

動如鳳翥靜如翔
騎似雙成瀛海粧
五色何妨傲霜候
東籬欲笑獨稱黃

雨中泛舟

曉爽午乍熱知將蒸
作雲間因秋舫泛條
至雨絲紛隄岸忽如失
水天杳不分渥霑即快
霽利稼太殷勤

題錢維城江村秋霽

雲欲斂猶戀深谷天惟淡故淨長空江村底識新秋景
喬樹纔看幾點紅

泛月十二詠

初月

一縷如眉復似鉤疑無訝有見擡頭漫嫌河畔光猶小
已報三千世界秋

漢月

秋來斜漢影初明
飛度清宵報一更
却是黃姑增悵望
停梭猶隔水盈盈

弦月

漸覺寒輝淦淦披
流天淥水影輕漪
陳琳檄勝謝莊賦
正是評弦未發時

烟月

輕與徘徊淡與籠
乍看寥朗乍朦朧
滿林誰識西湖好
清夢惟傳玉局翁

霽月

晚來陣雨過河源霽色平鋪素綵騫品格問誰能比似
黃山谷却有名言

波月

練練波中漾綺紋夜湖鼓盪氣氤氲何妨棹拂金蛇閃
全體其間總不分

舫月

豈須綠鷁與葱鷺一例沙棠載以浮天水空澄光上下

如如認性且隨流

爽月

風來水面淨涼生
寒月欣看靚面迎
殘暑不知何處去
碧天如洗寄高情

松月

舟行岸轉露松梢
摩詰詩中有故交
恰是廣寒開夜醺
琉璃盤子玉釵敲

賓月

光為素照體清真林景熙堂契夙因設以箕疇擬卿士
殷哉吾亦企嘉賓

吟月

就月鋪箋點筆時中涓底用玉檠持雖然即景抒清興
李諤名言亦可思

待月

彎環看到滿輪時漸覺東岡魄上遲船艤西隄試相待
分陰陶侃惜非癡

清曠樓詠竹四首

晴竹

晴閣聊撫渭川猗
颯沓前墀過雨時
弄影踈踈新沐葉
含飈灑灑欲揚枝
檀栾態作鸞翹舞
瀟朗音疑鳳管吹
最愛微風搖動處
攲攲猶有露珠垂

雨竹

為_{去聲}看_{平聲}介節種
實簫喜雨宜烟性
所常濯葉移根猶
在伏滴聲入律祇
含商雅因漱趾生
方茂便是垂頭意

自強底更倩他文與可屏風展出畫瀟湘

風竹

宜晴宜雨更宜風響作枝頭內外空自有師涓識角徵
那從宋玉辨雌雄開窓恰似來君子掃逕何須命侍童
設使無端謂之笑不為韓愈定盧仝

月竹

牆頭初碾玉輪過便覺寒光逸趣多碎影作聲尚騷屑
暗叢得照亦婆娑將疎復密無恒態似正還斜莫辨科

真是水中浮藻荇承天妙喻有東坡

熱

新涼將謂暑全蠲
卓午蒸歎轉似煎
始悟明當立秋節
炎官交代理應然

立秋

七月十四日

半月孟秋逮金官
令始簷曉涼真應律

俗有朝立秋冷颼颼之諺是日

卯初一刻立秋

午熱乍侵簾萬物對時育
五言觸景拈雲雷送

小雨祥叶老農占

農政全書立秋日小雨吉大雨主凶
禾是晚微落小雨即晴甚叶農祥

悅霽亭

小亭梵宮側悅霽向名之復爾中元節恰當晴景披閱
年松挹搗瀼露卉歲蕤目與心清朗欣於此一時

題董邦達溪閣哦松圖

下俯流泉上覆松松聲泉韻答重重幽人溪閣憑欄坐
良友惟三此處逢

中元夕放河燈

逢閏今年秋立遲巡鑒略緩啟程期中元恰值御園度

萬炬因看琳沼施風定自然其影直月明底藉此光為
節宵連歲成孤負

乙酉丙戌中元並
以秋巡駐蹕山莊

依舊流陰迅若斯

驟雨

驟雨東來一片雲飛絲急點倏紛紛駐輿小避思形狀
斫陣如看萬馬羣

題錢維城雲巖聽瀑

萬仞崇山百道泉豎攢橫灑衆音潺山為靜也泉為動
動自靜生理固然

恭奉

皇太后幸避暑山莊御園啟蹕之作

昨朝霖雨夜來晴正值蒐巡啟翠旌為奉

康寧緩後頓仍循警蹕肅前行途旁萬姓聽趨覲路

近三分俾免征降旨免經過地方額賦十分之三秋歲以為常俾蹕路羣黎頻沾惠澤

節雖遲月臨廿是月十四日始立秋故涼颼已覺馬

頭迎

過清河

清河南北黍如林更說前途倍茂森立馬橋頭堪縱目
外斯何物悅吾心

迤邐烟村景色嘉
芄生禾黍建壺瓜
今年農圃都僥倖
飽食安眠賦不加

邇來宜雨復宜暘
沃野優霑潦未狂
昨密霖尤資實粟
長途微澍審何妨

晚晴

昨夕雷雨作驅雲
惜弗淨曉起就長途
英英猶有剩大

田結穗時優霑信農慶雨不雨均可獨是致泥濘未免
僕夫勞稍因慮恹恹晚來西北風吹散雲已竟既幸利
行旅更喜宜暘定

天貺有如斯惕哉勵敬勝

要亭行宮晚坐

芹嶺東頭路熟經到來別館稱去聲延停一天霽景無邊
碧萬嶂秋山直北青襟卉露中香馥郁高槐風處爽瓏
玲黍華銅雀西成近畧得吾心獲所寧

出古北口

蒐巡又此出長關便覺迎來爽滿顏秋塞已開峯伍伍
曉空猶掛月彎彎

遺蹟何須歎祖龍千秋炯鑒慎邊封野橋漲水潮河急
昨晚山雲西北濃

去年塞坂微嫌旱今歲山田幸兆豐未逮登場知未定
越因切切惕吾衷

兩間房行宮即景

數典猶稱房兩間而今倍徙聚鄧闌到來循逕欣憑座
所喜開窓便見山繞砌秋花饒野意當庭古柏越蒼顏
綠旗藝武陳觀罷古北口提標兵每於此陳習勁弓藤
牌角勝技輒於行宮門校閱行賞
著句聊消片刻間

青石梁

石梁歲往還佳景稱遊攀馬足若無路雲頭復有山飛
流垂振鷺野卉鎖孱顏更喜逢秋霽都忘行旅艱

常山峪行宮即景

南北連山色東西接路程有軒真可憇無牖不啗清近
聽禽鳴樹遙看鹿食苹偶因吟舊句仍復發新情

至喀喇河屯即事

葦峪北經寬甸平外藩依例道旁迎未遵近旨遲來惠

益見同心向上誠

蒙古王公每歲在喀喇河屯覲謁今年遇閏駐山莊日久預傳諭於八月

間來集以示體恤茲諸藩仍如往例遠迎且云瞻戀情切故未遵前旨云

染色稼雲皆喜色

作聲蛩露是秋聲午曦駐馬蒸炎熱驟雨吹涼便朗晴

灤陽別墅

雨後渡灤河拍隄駛漲波秋風如故識別墅又新過砌
卉芳遍野庭松涼入多悠然得深趣山鳥答清哦

虬蓋亭戲題

小亭陰借老松叉松下風來特地嘉漫謂尋常然風景
雖然張蓋未排衙

小金山

平臨天次濔下俯江渺瀰既因迴為高亦因迴謂小
石罅擲鼃鼃可見不可尋一叢山丹花色是雙南金

景喜三秋孟暇值萬幾間一時飛逸興直到頭陀山

至避暑山莊即事得句

千峯歛霧矗螺鬟嶺過廣仁接闌闌雖是旬餘遲出蹕

却饒一月暢居山

今年歲七月逢閏立秋節遲啟鑾輶往
年緩十餘日而距進哨尚早可多駐

山莊
一月

評量農務黃雲際啟迪詩情綠樹間更有予心深

喜處明當策馬還

慈顏

永佑寺瞻禮

神御有述

羹牆猶想像

雲日近昭臨每至先瞻謁無遑善繼心
秋風今古颯庭樹歲年侵蒙

業安惟永持盈敬益深

碧峯寺

山寺猶然對碧峯曾無白足寺前逢箇中
那是全提句相照光光證月容

叢碧樓

寺後有書樓綠雲樓上頭覆陰猶密葉作籟恰新秋今
歲仍初到輕涼合少留小哉彼王粲咄咄祇言愁

味甘書屋

石髓巖邊潔且芳便教竹鼎試烹嘗苦言藥也甘言疾
我却因之緬趙良

有真意軒

宵暎山谷處蔥朧林樹間自然稍位置雅喜足蕭閒畫

格當秋疊琴音過雨潺問予真意託恒是憶民艱

對畫亭口號

曲轉雲廊得小亭
額題對畫豈丹青
便教摩詰披真蹟
未覺如斯悅性靈

秀起堂

西塔最佳處山堂迴若懸
窓中數上聲麋鹿砌下吐雲烟

露坂鋪紅錦晴峯矗翠蓮
句非秀以起亦可置吟篇

出麗正門恭迎

皇太后至山莊即事得句

日日評人悉

起居豈同躬覲

大安輿

康強真是

壽無量愛敬從知樂莫如多稼沿途經

覽豫好山滿苑奉

懷舒秋陽曝處暄宜穡恰有松風入綺疏

清舒山館

山向舒間此卜居水欣清處暎紗䟽智仁適會動還靜
枕葑無非史與書露卉繞階香帶潤風松拂戶爽生虛
曉秋景概從新閱育物對時益疊予

學古堂

耕當問僕織問婢不學何殊立面牆在我寧惟資博洽
要應治理法虞唐

含青齋

門前峯展屏疊樹尚濃青連得碧無際落來翠滿庭既
饒深以靜莫擬色分形蒼鹿尋難見呦音却可聽

松霞室口號

古松翠參天新松綠盈把曾見新松似古松然不可期
年月者如是應無種松人貞翁弗言笑而啞

挹秀書屋

書屋千峯裏嶽寄秀以深青林無別色野鳥有佳音景
颯隔塵境山空生道心挹之恒不竭信可暢清襟

題碧靜堂

一區隱峭蒨數息陟岬嶠雖是輿而逸不忘肩者勞窓
間延遠黛松下聽寒濤率意成新什苦吟那首搔

題盛懋山水即用其韻

飛泉千萬道一一落溪潭溪橋有客過秋風吹鬢髮草
堂訪蘭交相與暢雄談澄心對碧漪凝睇眺翠嵐何以
永今朝竟欲繫去驂信可傲偃佺暴於南榮南

處暑日雨

七月廿九日

庚伏昨朝盡婪暑今日處猶恐炎或留滌之以涼焉山
莊到三日輜重率至所益欣利晚田蕪弗厘行旅溟濛
萬峯烟潺湲千澗滸畫意惟米芾詩情合杜甫更覺饒
兩翁鹿聲聞隔站

題和闐玉應真觀泉圖

是玉為和闐珍品向命玉工成此圖而不戒於癸
未之田祿英氣盡矣然琢磨結構不可泯焉則以
匹之常玩置於山莊夫一炬之不抵又何有三日

之燒焉誠如白居易之言斯天下終無真玉矣觸
目興懷因成是什

屢屨卓錫偶觀泉祝水能生十丈蓮慢誚精英同假玉

居易詩註云真玉燒三日不熱可知寂滅是真禪一塵微裏何妨轉大

火聚中如是全求劍莫尋契舟處白居易語豈其然

題金廷標襍花四種

石榴

細葉繁枝護大紅開常弗謝畫屏中何須重舉元徽雀

語阿措真看不畏風

蜀葵

蜀葵亦有向陽名紫萼娉婷且自榮不置階前照曦影

誰知二物假和誠

蜀葵不向陽而韓琦許衡輩謂之向日故戲及之

百合

素質應羞時世裝
陸游家藝兩叢芳
不曾睡鴨夕薰換
撲鼻居然百合香

金絲桃

塞外宛看塞外花
階前形影映橫斜
去年命寓尋常事

今日誰知珍重加

時廷標已物故每遇其畫輒珍惜題句

晴

昨朝雨竟日
傍晚霽開雲
詎為山遊適
惟因農務欣
秋陽熾高曝
碧雨淨纖氛
風過叢林下
還垂珠露紛

玉岑精舍

山莊駐五日
精舍乃初到
蓋因尚炎蒸
故遲造幽奧
新晴趁颯爽
試一觀其妙
肩輿數息至
密樹忽開徼
面對

怪峯聳下臨深澗
空塵無一點
渾秋有八分
料草蟲唧唧聲如訴
去年約

湧玉亭

曲注聲潺千澗隈
滙淙亭下澈
潄洄尋常憶得初
無此始悟今從雨後來

小滄浪室

百步遊廊上千尋
陡澗臨澄心
托清淺駭目俯
欽崙朗未期開鑑音
堪聽滴琴新
松窓外植放幹已森森

梅檀林

盤旋陟林巘清淨結花宮枝葉霏天香梅檀將母同早

是鼻根寂何有眼界逢應真左右圍調御坐居中

室中供墨

刻如來及十六應真像

不以裝嚴飾內空內外空彈指視昨年猶

為塵念蒙

澄霽樓

傑峙山樓樹杪懸千峯遠近矗晴烟坐來無際長空朗

恰與吾心共廓然

超然字

因地既以高得趣自以超然則資境乎子輿言非誦翹
然企廣居寧祇圖遊遨

題春好軒

天高氣爽湊蕭晨繞砌繁英灑露新軒外又憑七月景
胸中常養十分春蝶薰翅紫花間栩栩鹿戴茸黃色
尚未出夾則不甚肥必俟秋深氣涼然後壯合羣可即鹿矣且自對時玩生
意无虞慢擬傍巖巡

千尺雪二首

就濕由來水性常成渠利道豈奇方雪其白色高千尺
今日那知亦有黃

雨餘野潦挾沙泥下注流成澱澱溪却以名同引興逸
遙飛直到范園西
千尺雪為吳中范氏山園自辛未遊後西苑盤山及此地皆引泉肖境為之

玉琴軒

前後繞石渠流泉相激迸此聲彼則振宛是宮商應乘

暇斯偶坐澹然入清聽諸慮於焉澄藉因知水性明道
言可方動定靜亦定

寧靜齋

青山遠映水前墀水靜山寧啟沃思自合忘言契神筦
挾箋摘藻又奚為

荷二首

綠蓋紅冠塞水濱風前雨後越精神年年不負拈毫約
占得山莊七月春

清涼境界淨真花那數南方有若耶山雨昨朝野水漲
黃金一片襯紅霞

午熱

烟火庶山莊年來熱亦常曝懸秋日赤催得稼雲黃未
可藏紈扇還教換葛裳河名真不負谷口愛乘涼

曉涼

山中有定候午熱暮朝涼已覺寒侵簟便當厚著裳望
欣澄碧宇坐欲近陽光塞景自如是人情却鮮常

移樹

山木易為生亦在人培植萌蘖既叢茁反覺相逢塞乘
間課移種分科疏側匿密葉於以舒糾枝去其逼而復
空廊處楚楚新林飾事半功斯倍一舉欣兩得

捕魚戲言

內湖不捕魚外湖常捕魚捕魚獲外湖放魚於內湖內
湖鱗類孳外湖人烹諸於以示好生亦因觀水虞然魚
豈得知業已殭泥塗救五於彼什蓋非彼所娛更有人

竊笑盜取誰禁吾

雨

閏七月初五日

午熱蒸成湊雨雲秋期五日不為勤
半宵粉絮纔方密
清曉烟絲遂以芬
響滴蚌珠叢
樹葉色藏螺黛遠
山紋
既雪終覺宜
暘好當晝千峯
歛霧氛

題僧石溪茂林秋樹卷

宵暎林嵐若無隙
望之實際具真空
上人固是多能者
可識不關能所中

永恬居

山居幽谷裏

聖藻泐楣檐為

去聲念

恩勤永兼欣情性恬座間臨樹杪窓隙挹峯尖安得恒
斯坐義探書理潛

素尚齋

書齋更山上疊磴以廊通每仰

額垂手常欽

儉率躬野禽呼檻外蒼鹿過窓中尼父言詩旨玩辭義
不窮

肩輿至創得齋憩坐得句

路入深山更向西心儀創得一攀躋遵其徑曲觀其徼
知我松喬盡我溪拂座有風皆颯颯霑衣不雨亦淒淒
今秋又此初吟句原未楣間負却題

夕佳樓口號

尋常已愛看山氣今日猶欣暢晚晴萬葉輝光一川綠

七言妥貼片時成

下東嶺遂至水月菴

自西降東謂之下自東升西謂之上東西升降本何常
由人謂之遂成象日之夕矣降東宜步步陰鋪就涼爽
竺菴水月碧山凹恰似冰輪呈潏沆適纔較量胥戲談
大士如如不動想

山心精舍

菴傍精舍衆山心翠展屏風具四臨觸目何曾勞應接

興懷惟是契深沉
收雲萬樹生新色
過雨千谿吐細音
著句便成便去所
欣芥蕙了無侵

含粹齋

門外清溪溪外山
溪聲山色共秋閒
自然純粹而精趣
合把義經讀此間

綠雲樓

秋前密葉尚敷紛
試上書樓俯綠雲
正喜千林翠如滴
誰教一縷白仍分
近帷已潤芸青色
遠嶠還封螺黛紋

祇有鹿聲藏不得
呦呦時共隱芝間

水月精舍

巖上書齋俯澗溪水聲
月色帶高低幾曾佳夕頻探景
祇趁餘閒覓題貞觀去聲兩言出想像南華六卷識端倪
倪清宵試問饒何物沙岸紛紛印鹿蹄

招涼榭

敞榭幕嘉蔭秋涼聊復招
近西陰得速臨水爽來遙果
覺衣增颯竟堪扇罷搔心懷
別有喜催熟晚田苗

觀瀑二首

激謫出峽落偏幡水樂八音會以繁却是耳根輸眼界
適從峽上見其源

源頭纔見細涓涓落腳旋看萬弩懸不以耳聽以心會
略從家語識真詮

種塞花

塞花不計名種種上聲秀而野移彼植此間易於木拱把
雨後地濕潤課種去聲足消暇叶繞砌分左右依石任高

下香引蝶隨來色疑鹿不捨須臾前墀間紅紫紛滿洒
誰謂秋寂寥看此向榮者

御製詩三集卷六十七

欽定四庫全書薈要卷一萬三千四百九十七

集部

御製詩三集卷六十八

古今體一百二十一首

丁亥八

濬川

野潦挾沙草塞川每淤壅易見流映咽艱致水洶溶鳩
工事畚鍤疏治除鬱擁廓然清泚呈月入金波湧渚際
遊鷗鳬池心悅鯉鯢其下乃深湖原不勞力董

山雲一首

山雲幾片冉冉興旋佈長空作陰矣借問豐隆一何神
適纔午熱緣有此霏為細靈固無妨散露新蟾益可喜
即事

深谷樹蒙密熱欲換葛裳盤旋登峻巔風來滿意涼始
登亦覺勞其熱不可當既至涼風披拂勞爽奚償為學
及為政視此均可方

題陳琳溪鳧圖

寫生本自陳仲美潤色還煩趙子昂

見圖中仇遠題語

秋水芙蓉

蓉閒獨立野鳬邨羨善翱翔

新月

新月建上弦徘徊漸有光
入夕更雲散時現半輪匡
清影漏疎樹暎我燕寢堂
適已命輿歸坐賞亦足償
何必復登樓高致學謝郎

清閒口號

人言難得是清閒
我畧清閒輒赧顏
設使樂斯更何慮
滿招憂亦在其間

雲南巡撫鄂寧奏報二麥有收詩以誌慰

緬夷梗王化無已事用兵攘外先安內農務念所繫茲
接南來音稼穡悉情形麥收八分餘市間價稱平更時
霑甘霖遍已插稻杭閭閻出積貯云可望西成披章喜
不禁旋復兢惕增庶幾非黠武我徂惟求寧

西峪

西峪不常來來必有奇過浮雲與張蓋清風與奏護午
炎頓覺失秋涼真可豫緬懷古作者曾誰到此處箕山

祇培樓尚有人生慕

靜含太古山房

山房秀起

堂名

隅雲棧致縈紆委宛如藏密窈深足靜娛

秋風滿座爽野景一窓輸城外山田見黃雲近遠鋪

不遮山樓

精小山樓翼若飛峯姿嶺態罨畫幃魯論見說吾無隱
觸目孰非靜者機

振藻樓

山樓出樹杪亦復有山包境自古今爾理叅動靜交含
英期實得振藻貴虛拋設畀杜工部無心作解嘲

經畬書屋

灑然書屋宜久坐新與為知故與溫却弗恒来来便去
顧名豈不愧斯言

食蔗居

食蔗漸入佳自尾至於本山居有如是因委達源遠設
無攀陟勞安悉精微蘊出幽得極豁攬遙幻若近詎惟

遊暢哉萬理堪斯準

小許菴

小許居然得號菴可知大亦此中含
漆園第二篇如讀較量由來是戲談

倚翠亭

構亭倚傾崖開窓俯北壑平陵出岫雲
下視歸林雀萬

葉尚張王

二字皆去聲

如張

平聲

綠油幕清供目之寓雅契心

所託

鷓鴣

鷓鴣食魚鳥又弗中釜鬻背頭曲如鈎伺鱗沙水潯人
以其無用亦弗矰繳侵因惡全其生審非愛物襟持銳
偶即鹿葦叢見隱深可以試神器一發馥成禽鹿大鷓
鷓小艱中去聲譬尺尋古人示其理飛衛貫虱心

雨

閏七月
十三日

連朝晴已好思得雨湔暄細霏潤以久濯枝聲弗喧池
寒荷有淚林濕鳥無言原圃滋蕎菜農民笑倚門

即事

南暖北漸寒秋收別遲早邇來接南音次第西成報
率稱雨暘時可以登萬寶畿輔實目擊其他披閱曉湖
北及安徽近江或被潦不過彼省中百一災誠小然亦
命妥恤毋致有餓殍合之寰宇觀今歲堪云好何修而
遇斯益勉勤民道

吳鎮秋江濯足圖

坐樹臨流雙足跣滄浪清濁何須辨渾是臨淄句裏情

故識斯人興不淺

烏沙爾器

珊瑚珠襯綠瓊葉是實非花花不如未入嵇含閒檢校
塞山太古自全初

細雨口號

細雨看不見濛濛暗濕衣放他巖際鹿潤草且增肥

鶴二首

飲啄何曾遠去颺翱翔原祇在山莊笑他剪翅牢籠者

拂物性還費稻梁

嘹唳風清還月白徘徊水裔更山椒
有時樂意翩然舞
曲盡形容繪鮑昭

晴

前日細雨渥終朝昨日雲猶散未盡清曉喜轉西北風
片片薄雲去相引本來不致愁霖多究覺宜暘利隰吟
霑哉非潦農幸誠爽矣弗寒時協允吾心畧慰是斯辰
泰而不驕益恪謹

敞情齋

崇巖複岫直北隈茂林疎廈開書齋山莊駐已過半月
笑我今日方言來一以鮮暇一境僻似此構築胡為哉
去歲題詩宛在壁頗覺嫌晴望雨迫茲來即景乃大快
信是人情無定適

清綺書屋

插架芸編吐淨芬神心妙會謝云云便教著句皆清綺
那及當前大塊文

繪韻樓

六法吾亦知最艱惟氣韻即使臻其極終屬人工進豈
如造物神無為無不運請看雨後晴林密及嶺峻有形
兼有聲含光復含潤付之王摩詰笑失落筆分

過谷復至含青齋

隔谷復有齋未可拋尺咫况欣值爽涼宜與窮宛委
爛翠明葉馥馥丁星蕊庭前呈靜機色香胥妙理弗來
得幾朝日影上窓矣

靜賞室

尋勝盤塋造極闢林藪契妙不出庭納約原於牖造
物無盡藏所遇隨人取既靜本非寂曰賞夫何有

淨練溪樓

峽上三間俯碧嵒雖無樓實有樓形每教練意憑窓想
何必溪聲待雨聽

泛月作歌

山莊有湖亦有月泛舟載月始艱逢秋巡啟蹕歲有例

仲秋已涼孟秋率過中今年夤緣值閏月饒我一度明
鏡圓當空塞湖不涼復不炎熱熾此而弗賞無乃孤負
佳景當前供仰觀萬里淨一碧四山翠影侵尋漸隱青
芙蓉鍾峯玉輪亦旋上隱者復現如於鏡裏呈玲瓏快
哉今宵得始遇而原太古所有非由人力實由造化工
勿謂既望漸致東山昇遂晚猶當登絕頂以待其載之
也不以沙棠之舫而以驅青驄

題元人穀豐禽樂圖

穀熟西風落啄紛良禽各自與為羣分明遺秉大田趣
善寫葩經意外文

曉涼

曉涼衣著棉萬嶂晃晴烟誠慮霜行至旋思塞固然閒
雲消迴宇野水落前川卓午原暄暖催收晚種田

策馬

策馬石城外觀農近若何菜瓜村舍護種穗園場多已
有西成象較於去歲過

去歲塞外頗旱今年晴
雨應時故收成倍豐

山田任

墾闢誰與計陞科

夜月山遊四首

既望應知月出遲
東山臺迥坐延之
錘峯一縷金絲現
倏湧冰輪祇片時

已愜崇情復暢觀
誰云高處不勝寒
徘徊蓮漏聽逾刻
適可言歸控玉鞍

登東迎月降西背
比出平林宛又逢
却笑拘墟較里許
碧山滄海自重重

嶺態峯姿漾若浮聞聲不見鹿呦呦陸離田地光明境
榮馬真成汗漫遊

題唐棣霜浦歸漁

留罩簑簑負一肩呼朋沙岸捕魚旋太湖設遇天隨子
問在詩中第幾篇

瑩心堂

碧靜林堂綠水潄

義文觸目玩辭深緬懷

四海規為鏡敬識

千秋照在心

恩擬汪洋垂自昔繼勤夙夜勉從今山莊歲歲聰聰近

豈是無端為

去聲豫臨

宿雲簷

天畔閒雲去若飛何曾簷際有雲歸邇來雨不雨皆可
消得崇情閱化機

頤志堂

古屋水之涯年深景越嘉樹喬陰佈廣蘿靜月梳斜跡
印呼羣鹿聲傳反哺鴉承

歡頤

懿志此樂更無加

雲潤樓

豈必豐隆有所司英英靄靄吐無時坐來不覺衣裳濕
始悟巖樓能爾為

即景

昨朝細雨零蕎菜欣滋長今日快霽逢禾黍熟晴爽
之西北風雲淨天高朗千山生翠煙萬畝登秋象陸續
閱奏書各省率豐穰處順懼滿盈抑志勵深想

王蒙寒林策蹇

打頭落葉颯寒聲山徑崎嶇策蹇行人固覺勞馬亦爾
倩誰翁仲為去聲知情論衡楊翁仲乘蹇馬之田間有放
眇馬者鳴聲相聞翁仲知其相為

云云

桂

逢閏得秋早皐塗已放芬色原塵外質香合靜中聞金玉非宜擬麝檀底藉薰崇情託雲表招隱湯云云

緬莽

緬以地稱莽以姓木梳又因部落名究之其三乃即一至今方悉其真情木之擾西蓋已久劉藻畏事惡稱兵木匪莽匪皆緬甸別名劉藻為滇督時木匪屢至西界侵擾永昌邊外土司藻畏事姑息不即勦捕又匿不奏聞以致養癰貽患前歲冬東界外孟艮一帶復有莽匪滋擾藻雖調兵往禦而庸怯每候機宜且恐前事并發懼而自戕莽之犯東在前歲藻慮敗露乃自刑無何瘴起莽

亦退應琚攘為功已成所誅數莽僅助惡召散已遁阿

瓦城

楊應琚代劉藻督滇甫至而莽匪已退蓋其時庫

境而不言其即係緬種且謂莽匪事歲次及木匪則已

涉冒功隱飾矣申命索之實未索反受數部來投誠古云受降

如受敵一無預備緬來爭

應琚雖稱遵旨向緬向索取

邦蠻暮慙賣等衆相率投誠輒謂機有可乘不復措置

內地益致債事綠旗之習素誇詐應琚病際被惑榮既至病痊

畏不掉遂肆欺誑圖蒙聽軍無紀律績奚奏向吾言失

擬庖丁

向謂應琚久任封疆必能洞中窾要故推心委任不意其湯無紀律將領畏怯不前損失兵衆

又始以病中瞽昧為綠營虛誑惡習所蒙率據入告及閱其所奏殺賊萬餘並賊首乞降之事疑涉粉飾屢加詢詰其虛妄乃漸敗露然猶諒其因病受愚疊為周導冀其悔悟實陳而應琚始終執迷甘蹈欺罔自速重懲雖欲宥之亦不能廢法曲貸去歲作後莽子行有庖丁游刃有餘地之句以獎之自悔失言

滇師債

事誌大畧用人弗當

去聲

慙怍怍

重葺獅子園落成奉

皇太后遊覽詩以誌事

去歲斯園偶訪之免葵燕麥景淒其因教葺築復舊觀

去聲宛看落成如向為峯峙千秋善獅吼境同昔日躍龍池奉

慈豈不心深慶

聖藻重瞻有所思

獅峯

不是

晏殊此現身如何獅子面前馴箇間祇合忘諸慮稽首
皈依清淨因

樂山書院

舊蹟園林在承

歡事可稽當時曾

賜額

樂山書院
辛卯年

賜

皇祖
額也

此日重

去聲
瞻

題最愜仁之樂從知靜者倪問堂成久近年與我同齊

草堂

草堂棲碧岑樸構稱

去聲

山林蕭緯仰如在茅茨示到今

秋風來席颯日影入簾深小坐旋言去惟留五字吟

題錢維城秋景

無山不落網水有樹皆韻金風蕉葉庭前猶綠楓枝崖
際全紅過橋高人訪契閉闔開士悟空彷彿臨平秋色
幀中重見王蒙

石渠寶笈藏有王
蒙臨平秋早圖

再題千尺雪

前來新雨後渾流殊不潔今來過白露潦盡寒潭澈
紛間去聲渌濺真是有聲雪滄浪清濁喻遂有纓足別而

泉豈自知由人騰口說

含德齋

複岫聚雲處

屋檐後有書聚雲複岫

山房扁皇祖御

金風玉露秋有懷

皆入靜無景不澄眸大塊開生面

天文仰上頭至今歌樂利含

德永貽庥

登四面雲山亭子作歌

碧天如洗秋陽晶不涼不暄風物好蘭蹊策馬登最高
興會今朝霄漢表霄漢之表構虛亭依稀如到廣寒庭

桂花未作金粟色萬山枝葉交濃青
濃青疊翠開生面風過霓裳聲遞按
此而無語頓置歸恐防山靈笑踈
懶再遊獅子園

獅峯率律屋檐前避暑山莊隔一川
臺榭維新適此日林泉依舊憶當年
境無俗韻入圖畫烏有佳音勝管絃
記得黃園工位置倪瓚獅子林今為蘇州黃氏園予園中樹石皆雲林結構并自為之圖其
圖今歲石倪迂小巧詎天然
渠寶笈

妙高堂

迴臨已是高無二俯視還欣妙入虛我亦金山撫蘇蹟
金山有蘇東坡題妙高臺壤霄邴更較何如

松柏室

名室以松柏收恟惟縹緗觸懷每生慕憶

昔邴能忘石古苔痕重山秋樹色涼喬柯無改度倚巘
鎮蒼蒼

獅子園禪詠

山色

幾年不見佛頭青
依舊慈朧翠滿庭
悟到色空真寂所
身標清淨鎮亭亭

鐘聲

山寺從新葺法林
一聲鐘響七條音
既云本是無生滅
何事悽然又縊心

砌花

秋芳氾露自歲年
去年來付不知記
得童時閒鬪草
偏於色樣覓新奇

庭樹

無情庭樹亦婆娑
高拂簷雲淺覆莎
秋月春風凡幾度
不因今昔較如何

水月

繞堂野水正澄鮮
新月依然掛碧天
入影卽論滿與半
當年曾暎拍頭禪

松風

盤拏虬蓋峙階墀
颯沓偏宜風入之
應為去聲吾心有所

感特教寒籟掃無遺

鳥語

庭樹棲禽窺畫堂今來不似昨荒涼分明是說廢興閱
解語何須藉治長

蛩音

榛叢鼓脇作聲長露與為清風與揚一晌憑欄聽唧唧
助予或亦似歐陽

題馬遠秋浦歸漁

歸舟那繫荻蘆叢攫取苓筍滿不空底識箇翁閒逸趣
鬚絲飄散鯉魚風

夜雨

八月初四日

半月宜晴暢三更落雨喧近聞簷滴瀝遙想樹冥昏涼
意侵宵枕農功廩野村大田收已定菜圃正滋繁

遲鹿

遲

去聲待也

鹿乘餘暇徘徊亦可欣樹翻延爽籟山出護霜

雲奎踞依林見呦咿隔嶂聞誰知思獲處詩意與平分

紅葉二首

秋遲疊巘尚濃青
一夜西風枕上聽
頓覺殊觀清曉望
碧琳天際點疎星

陸陸離離青間

去聲

紅何曾渲染待霜融

塞上尚未霜

一般巖

麓凝眸處昨日今朝致不同

即景

即景為題信口拈
山莊樂事實無厭
蒼廡巖際行行見
紅葉林間漸漸添
碧宇雲稀天廓落
寒潭潦盡水沈潛

詎惟攬結供吟興靜會端知理趣兼

新月

愛看秋中月偏於塞上逢冰眉纔想像漢角已春容萬
葉攢寒影一彎開藻胸吟安剛五字倏忽隱西峯

半月湖

疏淞仍復舊池塘潦盡兼看新水光舉首上弦蟾魄好
半輪影亦正相當

題澄觀齋

不亟到林廬到斯心意舒懸崖雲尚翠

後倚翠雲巖
皇祖御題也

落澗潦全祛借曰澄今習吾寧觀古初桂華放清馥聞
復翳根除

滄浪嶼

池上書齋古滌然俯一泓墻圍辭鹿飲沼澈數上魚行
澄影觀几席漪光翻栢楹緬懷

聖人意原取濯纓清

秋澂齋

氣蕭碧宇無邊淨
潦盡寒潭澈底清
俯察仰觀心有會
奉時惟是應時行

靜餘軒

入幽披菁蔥據勝開軒榭
山川足奇遇位置非假借
屋中何所有書史滿鄴架
道德企優遊氣質欲變化
却欣消片時此靜得餘暇

再詠紅葉

黃紺青紅間

去聲

染殊錦機曾不費工夫
春園欲笑花徒

燦未許其間綠葉扶

中秋即事

千秋逢令節萬歲奉

慈寧地迴光疑近夕昇輪欲停丹楓未藏色金桂正含
馨雲雁鳴蟾曲宵廩借兔形巖關益寥朗瀑水自清冷

明曉發菟轡

十六日早即起蹕幸
木蘭每歲率以為常羽林燦衆星

仲秋啟蹕木蘭行圍之作

秋中行狩臨六轡發如琴豈不

晨昏念亦惟

繩繼欽南瞻遙塞苑北指近雲岑
納稼山村景崇墉真
愜心

村行三首

野橋人跡點輕霜過閨中秋已迫涼却喜山田都鉅艾
納收無暇畝棲糧

一水溯源凡幾渡短長木杓接迴溪相聞雞犬安耕鑿
淳樸閭閻景入題

去年關外微嫌旱今歲山村普報豐又苦穫同無處糶
嗟哉民瘼竟何窮

入崖口

溯源九曲水

崖口蒙古名伊遜喀卜齊爾者崖口是地水凡九轉因以得

名扼要兩崖山地限神仙境天開虎豹關錦屏圍匝

琴峽洄潺湲小獵宜新霽

是日登程逢陣雨入崖口即晴

諸藩喜動顏

即事

行令宜秋獵觀光有大宛

哈薩克陪臣杜勒特克勒等入覲即於和門宣見並賜以

素韃表服
俾扈行圍

錦雲披草木
祁鹿滿山原
武帳歸閒憩
驛章

閱喜言

東朝真累慶
五世弄元孫

是日驛章至知得曾孫之喜
仰惟皇太后慶育元孫

五世含飴益徵
奏聞

聖母以洽

多福即馳使
慈禧

蒙古王公等進宴即事成什

帳殿崔巍向遠
垌傾誠貢宴
得教聽稱觴
共上南山壽

奏樂還欣北曲
聆蘇對洛
那咸扈衛

是日哈薩克陪
臣亦命預宴

黃

河青海更家庭
古來斯事稱希有
保泰持盈慎自銘

高適詩云青海只今將飲馬黃河不用更防秋夫防
秋乃在黃河則其時邊界武備從可知矣明季河套
始終為梗夏言欲恢復竟搆大獄卒亦無成若本朝
則鄂爾多斯久為臣僕執役惟謹其居河套與各省
民人之各安井里何異耶青海亦與四十九旗蒙古
無別隨獵侍宴恭敬有加茲武帳列坐誠如家人父
子詩以誌事非敢為誇益因自勵

物性

鷗鷺擊狐狼鷹鷂搏雉免狐狼害牲畜雉免供鼎錢
弱雉免易與強狐狼難捕不求易避難朝歌錯節遇鵠
師識物性用各當去聲厥務鷲百不如一孔融語非誤器
使宣殊斯顧難審其素

雪獵

靈山有靈驗圍展雪來隨帶日飛冰片不雲佈野波拂
林重燦蕊著鹿總成麋
鹿皮無白章惟麋獨有興安也
有鹿而無麋迤南始間有馬
射原無礙便宜更是詩

糧廬

茨階茅土湯相譽張拂程途任所如南北東西一行帳
秋冬春夏四宜居底須防漏偏稱瓦適可消閒便展書
拱護亦多單布帳斯之未覺獨安予

射熊行

虞人來報熊咆林飲飛親率崇椒尋倏眇羣逐出叢樾
一箭要害洞中去聲深馥焉肆地目精散封駝有力馱難
任復報翠微出其子駐馬掩搏觀勇士須臾子路入檻

籠手罷足麋寧虛揣畜之虎圈暫貸生平原不射非所擬
出產口

水抱山環歷幾重獵場出使閭村農塞田節令先一月
納稼全疑屆孟冬

詰戎聊寓習威儀往不遷延返不遲急欲山莊申
定省近年每復減圍期

駐張三營行宮賜蒙古王公及隨圍人等宴費作
別館開佳宴列茵秩有倫勞去聲勤例行賜逮下澤教均

誰曰甌曾脫端知秋似春羣欣稱世僕我則道嘉賓

於波羅河屯行宮作

青城何代蹟

蒙古語波羅為青又謂舊河屯為城此處有舊城蹟故得名

蔓草護堆

沙獵園經常駐行宮樸弗華向暄逢綠樹應節有黃花

是日重陽明使承

慈豫山莊喜不遐

迴蹕至避暑山莊恭問

皇太后安

及月山莊

豫養崇

慈顏瞻喜益加

豐朝家馭遠千年計寢閣承

歡一念衷砌以向陽草猶綠窓因延景樹攢紅如斯時
節如斯事萬載如斯願不窮

有真意軒

入谷有蒼山望林無綠樹林谷環抱間書軒於此遇窓

明受曦溫架馥貯竹素故是避暑莊斯則向陽處颯景
雅宜人流陰亦堪悟

空翠書樓

屋裏遊廊曲轉通坐來暖日尚和融
蜃窓試一間憑看始覺四山翠是空

負暄口號

陽燾試負暄憩勞更披暖迴想延涼時
其意何相遠

澄觀齋

曲水門前面層山齋後頭適當九秋對不著一塵留
嶂鳴蒼鹿野灘下白鷗澄觀觀既靜以待萬幾酬

翠雲巖

出岫去還浮斯雲巖鎮留濃青思舊色疊翠亦新流
湧擬立冬到行將活畫收驪珠光兩顆

巖上泐

皇祖

御書翠雲兩字

恒北照千秋

放雉行

大蒐之便亦設羅有雉雉焉獲實多籠收車載率生致

淹寒重試饗則邨山莊林泉清且美取諸於彼放諸此
開籠飛去任所之悠然逝若縱壑鯉憑觀自欣繼自笑
瀕死偉生雉豈料煦嫗為仁詎所期愛物應須識其要
題文壁倣趙孟頫筆意

秋氣入池塘秋亭猶未涼破荷無舊綠碎菊有新黃對
坐似相得其言難具詳王孫真蹟少不失可同羊

山行遇雨之作

廿日餘程喜快晴山莊茲雨遇山行自因問景聊憑輦

衆弗歌勞為去聲駐旌赴岫濃雲如有約落林濕葉却無聲
遙遙南望生欣處秋麥播齊潤始萌

曉起

塞苑背秋將涉冬夜長曉起敢耽慵曙簷有鳥如傳漏
山寺無僧亦撞鐘且未展書玩義理却先問政致勤恭
金烏旋自東南上西北高輝幾箇峯

拈題

信手拈題信口哦樹頭葉少樹根多秋山四壁明無障

野水平湖凍不波，雉避風藏深草。
谷鹿知寒下向陽坡，授衣時節。
幽詩詠蒿目，民艱竟若何？

恭奉

皇太后山莊啟蹕迴鑾之作

兩越月餘駐奉言

安馭旋關山自風景，節序暗推遷。

願養宜真境

逍遙若上仙，歡欣承

懿旨來豫定年年

御園季秋即景

孟秋啟蹕季秋迴三月流陰亦迅哉
罨檻山楓半搖落
亞盆洋菊正爭開
景蕭曲院欣初見
日暖明窓愛久陪
午後祥雲飄幾點
綴林忽訝有寒梅

孟冬時享

太廟

敬識宣尼語必躬心始虔

優聞親一脉勿替引千年孟朔祀惟舉小陽律正宣禮
成將肅退祇覺意惓然

詣

暢春園恭問

皇太后安遂駐御園即景

養

志思前訓問

安例往年及旬

溫室閣信宿御園便窓暖宜拈筆池冰不放船雲容過
千重望雪又心懸

冬至大祀

南郊禮成述事

緹室葭筩候謹探甫踰吉朔履長覃豆籩

青幕禮初式磬管黃鍾律正含不遠復欣迴子北有征
師值出滇南翹祈

助順揚我武一月速傳捷報三

雪

十一月
廿八日

雲容低答答雪勢落綏綏氣暖片因碎土乾積似遲亦
看鴛瓦羃疑綻鳳柯蕤盈尺方慳念笑當知足誰

題張蒼溪橋雪霽小幅

驢背客人衣絮單凍凝流水不成湍誰知盈尺溪山景
寫出連天玉障寒

復雪

十一月
三十日

中宵雲勢報濃稠達旦漣漣雨雪浮弗啻先春更先臘

誠欣惟渥亦惟優簷留瓦白鋪重厚砌掩甌青掃未休
綏屢後逢占麥稔敬承何以勵吾脩

題鄒一柱豐鄉慶節圖

底識鄉居樂事真鄉居樂以屢綏頻三餘晨誦還宵課
六行南村復北鄰學士畫圖偶展處石湖樂府重去聲提新
范成大石湖集中有歲暮村田樂府斯民三代風猶在頃令何須教反淳

喜雪

十二月十一日

濃陰夜半勢稱嘉曉遂敷紛舞玉沙新澤喜看勝舊澤

祥花真是沃心花配藜佈宇踈還密錯落翻風直復斜

慶慰中兼生冀望豫齊待潤麥疇芽

是日覽河南巡撫阿思哈摺奏豫省

正在望雪而山東巡撫李清時雖曾奏報得雪亦欠霑足

戊子春帖子

東宿氣初轉南瀛喜報頻北宸新鳳律西域舊鴻臣

星德星和候子年子日春

是日丙子

萬方徧俶祉半月先

去聲

元辰

景山臘雪樹根培又喜春光得得來歲美人和常願若

朝乾夕惕益欽哉

復雪疊前韻

十二月二十日

多多益善豈辭嘉數去聲比恒河難數上聲沙不凍應為十日雨入春已是五稜花瓦端積處勢增厚簷際飄時態欲斜滿缶收來羸沉瀝三清正好淪龍芽

除夕


秋閏饒廿日臘除臨亦遑即看成代謝誰識不流遷

綏屢四年遇

慈寧五世全團圓
燭歲處柏子噴祥煙



御製詩三集卷六十八



總校官庶吉士臣侍朝

校對官檢討臣龔大萬

謄錄監生臣杜成